

**Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije**

Broj: 02-14-4-2558-4

Datum: 24-07-2019

Na osnovu člana 24. stav (3) i člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), za policijskog komesara - načelnik sektora kriminalističke policije, d o n o s i:

ODLUKU
o izboru najpovoljnijeg ponuđača
“Nabavka dijelova uniforme za policijske službenike”

Na osnovu Odluke, broj 02-14-4-2558, od 30.05.2019. godine i obavještenja o nabavci, broj 16475-1-1-52-3-49/19, od 31.05.2019. godine, proveden je otvoreni međunarodni postupak za „Nabavku dijelova uniformi za policijske službenike, (Lot 1 – Zimske jakne, Lot 2 – Košulje i pantalone, Lot 3 – Cipele, Lot 4 – Čizme)”.

II

Komisija za javnu nabavku stalnih sredstava i materijala za javni red i mir, vojnog materijala i uniforme za policijske službenike Uprave policije Ministarstva unutrašnjih poslova Kantona Sarajevo, imenovana rješenjem, broj 02/5-1-14-4-2652, od 14.05.2019. godine je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora, kako slijedi:

Lot 1 – Zimske jakne, ponuđaču KM TRADE doo Visoko. Ukupna vrijednost ponude iznosi: 422.500,00 KM bez PDV-a, odnosno 494.325,00 KM sa PDV-om.

Lot 2 – Košulje i pantalone, ponuđaču KM TRADE doo Visoko. Ukupna vrijednost ponude iznosi: 126.600,00 KM bez PDV-a, odnosno 148.122,00 KM sa PDV-om.

Lot 3 – Cipele, ponuđaču KM TRADE doo Visoko. Ukupna vrijednost ponude iznosi: 194.350,00 KM bez PDV-a, odnosno 227.389,50 KM sa PDV-om

Lot 4 – Čizme, ponuđaču KM TRADE doo Visoko. Ukupna vrijednost ponude iznosi: 362.700,00 KM bez PDV-a, odnosno 424.359,00 KM sa PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.

Obrazloženje

Na osnovu Odluke, broj 02-14-4-2558, od 30.05.2019. godine i obavještenja o nabavci, broj 16475-1-1-52-3-49/19, od 31.05.2019. godine, proveden je otvoreni međunarodni postupak za „Nabavku dijelova uniformi za policijske službenike, (Lot 1 – Zimske jakne, Lot 2 – Košulje i pantalone, Lot 3 – Cipele, Lot 4 – Čizme)”. Procijenjena vrijednost nabavke iznosi 1.106.300 KM bez PDV-a (Lot 1 – 422.500 KM, Lot 2 – 126.750 KM, Lot 3 – 194.350 KM, Lot 4 – 362.700 KM).

Prema Zapisniku sa otvaranja ponuda od 15.07.2019. godine, za aktivno učešće u postupku, dostavljena je ponuda od strane ponuđača: Antilop doo Žepče, za Lot 3 i 4; Plan plus doo Zenica, za Lot 3 i 4; i „KM Trade“ doo Visoko, za Lot 1,2,3 i 4.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-2558-3, od 19.07.2019. godine, u kome je navela:

Ponuda ponuđača Antilop doo Žepče za Lot 3 i 4 ne ispunjava zahtjeve iz tenderske dokumentacije u pogledu formalno-pravne ispravnosti ponuda za Lot 3 i 4 iz razloga što nisu dostavljeni svi dokumenti i na način propisan tenderskom dokumentacijom i upustvima navedenim u pojašnjenjima tenderske dokumentacije, a odnose se na dokumente vezane za ispunjavanje tehničke i profesionalne sposobnosti i dostavljanje garancije za ozbiljnost ponude, te se odbacuje u skladu sa članom 68. stav (1) i stav (4) tačka b) i i) Zakona.

Ponuda ponuđača Plan plus doo Zenica za Lot 3 i 4 ne ispunjava zahtjeve iz tenderske dokumentacije u pogledu formalno-pravne ispravnosti ponuda za Lot 3 i 4 iz razloga što nisu dostavljeni svi dokumenti i na način propisan tenderskom dokumentacijom i upustvima navedenim u pojašnjenjima tenderske dokumentacije, a odnose se na dokumente vezane za ispunjavanje tehničke i profesionalne sposobnosti, te se odbacuje u skladu sa članom 68. stav (1) i stav (4) tačka i) Zakona.

Ponuda ponuđača „KM TRADE” doo Visoko, za Lot 1 – Zimske jakne, Lot 2 – Košulje i pantalone, Lot 3 – Cipele, Lot 4 – Čizme, ispunjava sve formalno-pravne, ekonomske i tehničke uslove i zadovoljava zahtjeve ugovornog organa, pa je uz primjenu kriterijuma najniža cijena riješeno kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

za POLICIJSKOG KOMESARA
NAČELNIK SEKTORA KRIMINALISTIČKE POLICIJE

Glavni inspektor
Bašić Milorad

DOSTAVITI:

1. Komisiji
2. Ponuđačima
3. Odjeljenju za odnose s javnošću,
radi objave na web stranici ugov. organa
4. a/a